

JAVNI POZIV ZA UČEŠĆE U NAGRADNOM KONKURSU „KREIRAJ FESTIVALSKU ŠOLJICU“

ATLANTIC GRAND d.o.o. Bijeljina upućuje javni poziv za učešće u nagradnom konkursu „KREIRAJ FESTIVALSKU ŠOLJICU“ s ciljem da se inspiriše kreiranje i konzumacija kulture u regiji.

Ako ste mladi, inspirativni i kreativni postavite vaš umjetnički rad i osvojite vrijedne nagrade. Pravo učešća u nagradnom konkursu imaju sva punoljetna fizička lica iz BiH i regiona (Hrvatska, Slovenija, Srbija, Crna Gora, Sjeverna Makedonija) koja na web stranici www.konkurs.grandkafa.ba uploadaju i kreiraju svoje umjetničke radove (digitalna grafika) za sudjelovanje u konkursu u periodu od 28.07.2025 - 10.08.2025. inspirisanim temom HAJDE DA IMAMO VREMENA ZA KAFU I FILM.

Ukoliko si dizajner/ka ovo su pravila za tebe

Rješenja se rade na pravougaoniku dimenzija 178x69mm. Radove je potrebno priložiti u .JPG ili

.PNG formatu. Ukoliko vaš rad uđe u finale, potrebno je dostaviti ga i u vektorskom formatu .AI

ili .EPS ili .PDF. Ako se radi bitmap ilustracija, u tom slučaju fajl poslati u lejerima u .PSD formatu. Ne koristiti više od 7 boja za ilustraciju zbog tehničkih ograničenja u štampi. Radovi mogu biti čista ilustracija ili kombinacija tipografije i ilustracije.

Ukoliko dizajniraš sa nama ovo su pravila za tebe

Ukoliko rješenja kreirate direktno na našoj web stranici www.konkurs.grandkafa.ba rad će biti proizvod vaše kreativnosti uz pomoć softvera na samoj web stranici. Prostor za rad je pravougaonog oblika i automatski čuva rad u rezoluciji 1792x1024px u .PNG formatu. Prvi korak u kreiranju rješenja na našoj web stranici je izbor predefinisanih pojmova. Pojmove koje možete izabrati svrstani su u 3 koraka: odabir žanra filmske scene, odabir mjesta gdje se odigrava filmska scena i odabir završnog kadra za tvoju filmsku scenu. Nakon što označite minimum po jedan predefinisani pojam iz svake kategorije kreira se ilustracija. Nakon što dobijete prikaz ilustracije, imate mogućnost da pokušate ponovo. Posljednji korak je sama prijava vašeg rada.

U nagradnom konkursu učestvujete na sljedeći način:

- pristupite web stranici www.konkurs.grandkafa.ba i priložite ili kreirajte svoj umjetnički rad uz pomoć našeg softvera (digitalna grafika) u periodu od 28.07.2025 - 10.08.2025;
- prihvatite pravila o kreiranju i uploadanju umjetničkog rada;
- ispunite formular za prijavu sa ostalim traženim podacima.

U prvom ciklusu stručni žiri, sačinjen od tri osobe, će na osnovu snage umjetničke ekspresije i umjetničkog dojma sprovesti selekciju i odabir osam dobitnika – finalista, koji su jednaki kao i dodatna dva dobitnika, kao rezervne dobitnike u slučaju da neki od osam dobitnika ne budu u potpunosti i na ispravan način pristupili učešću u nagradnom konkursu. Odabir dobitnika će se održati 11.8.2025. i objaviti na web stranici www.konkurs.grandkafa.ba. Svaki od odabranih finalista osvaja poklon karticu u vrijednosti od 400,00 KM.

Odabrani radovi imat će mogućnost da budu aplicirani na neke od promotivnih materijala brenda Grand kafa (oficijelne šoljice SFF 2025, Grand kafa limited edition setovi, kao i na drugim materijalima).

Osim toga svih osam nagrađenih umjetničkih (digitalna grafika) radova bit će izloženo na SFF-u u printanom izdanju sa istaknutim QR kodom, kao i na web stranici www.konkurs.grandkafa.ba. Javnost, publika odnosno svi zainteresovani će putem koda istaknutog na umjetničkim radovima, kako na festivalu, tako i na web stranici, moći da glasaju, prema svojim vlastitim kriterijima. Na osnovu ukupno dobijenog broja glasova učesnici će osvojiti prvo, drugo ili treće mjesto. Sumiranje glasova za prva tri mjesta proglasit će se 22.8. 2025. na zatvaranju SFF-a, a konačni rezultati nagradnog konkursa će biti objavljeni na web stranici www.konkurs.grandkafa.ba.

Prvo izabrano umjetničko djelo osvojiti će 1000,00 KM, drugo 800,00 KM, a treće 600 KM, na poklon karticama.

Radovi ne smiju reflektovati i upućivati uvrede i govor mržnje, rasnu, spolnu, vjersku i svaki drugi oblik diskriminacije i moraju odgovarati na temu konkursa. Stručna komisija zadržava pravo da diskvalifikuje takve radove bez objašnjenja.

Autor umjetničkog djela u toku učešća u nagradnom konkursu ustupa svoja materijalna autorska prava ATLANTIC GRUPI i ATLANTIC GRANDU d.o.o. Bijeljina i brendovima grupacije, od momenta uploada ili kreiranja istog na stranici, bez prostornog i vremenskog ograničenja, u svrhu promocije vlastitih proizvoda, na svim potencijalnim materijalima, bez naknade. Autor je dužan dati pismenu suglasnost za prijenos prava.

ATLANTIC GRUPA i ATLANTIC GRAND d.o.o. Bijeljina zajedno sa brendovima unutar grupacije je upoznata sa činjenicom da je učesnik nagradnog konkursa autor djela isključivi nosilac moralnih i imovinskih autorskih prava nad navedenim autorskim djelom (materijalom), te da je zakonska obveza ATLANTIC GRUPE i ATLANTIC GRANDA d.o.o. Bijeljina i

brendova grupacije da prilikom objave predmetnog autorskog djela (materijala) naznače autora kao nosioca moralnih autorskih prava.

Učesnik nagradnog konkursa je saglasan da predmetno autorsko djelo (materijal) može bez naknade biti korišteno za izradu promotivnog materijala ATLANTIC GRUPE i ATLANTIC GRANDA d.o.o. Bijeljina i njenih brendova te za objavu na distributivnim kanalima svih brendova unutar ATLANTIC GRUPE i ATLANTIC GRANDA d.o.o. Bijeljina u izvornom obliku ili obradi, u cijelosti ili djelimično, a što uključuje i objavu na korisničkim stranicama društvenih mreža te internetskih stranica kojima upravlja ATLANTIC GRUPA i ATLANTIC GRAND d.o.o. Bijeljina.

Javni poziv za upload radova ostaje otvoren od 28.07.2025 - 10.08.2025. godine. Zato što već godinama inspirišemo kulturu kroz razne aktivnosti, i zato što kultura i kreativnost inspirišu naše brendove, riješili smo da u saradnji sa Sarajevo Film Festivalom organizujemo nesvakidašnji konkurs koji će Grand Kafi udahnuti svježinu nesputane kreativnosti.

Istovremeno mladim talentovanim umjetnicima pružamo pozornicu snova!

Zato pozivamo sve umjetnike da osmisle i stvore Festivalsku Grand Kafa šoljicu inspirisanu temom HAJDE DA IMAMO VREMENA ZA KAFU I FILM. Zamisli da je šoljica filmsko platno na

kome treba da oslikaš jedan upečatljiv kadar koji će predstavljati tvoju viziju uživanja uz omiljenu kafu i dobar film. Pusti mašti na volju i pokaži kreativnost. Neka te šoljica omiljene Grand kafe inspiriše da kroz vizuelnu umjetnost ispričaš svoju filmsku priču.